

目次

注：本目次只做到標題九。詳細的目次請參前文所列的科判。

【1章 開列五門釋之】 D01_001	8
【2章 依門釋】 D01_002	8
【1節 釋總標】 D02_001	8
【1項 總說】 D03_001	8
【2項 別釋】 D03_002	8
【1目 靜慮】 D4_001	8
【2目 解脫】 D4_002	8
【3目 等持】 D4_003	9
【4目 等至】 D4_004	9
【2節 釋安立】 D02_002	9
【1項 總說】 D03_003	9
【2項 別釋】 D03_004	9
【1目 安立離生喜樂】 D4_005	9
【1 引經標】 D05_001	9
【2 別釋】 D05_002	9
【3 前後妨難】 D05_003	10
【2目 安立蓋障】 D4_006	10
【1 明蓋相】 D05_004	10
【1 標列】 D06_001	10
【2 別釋】 D06_002	10
【1 貪欲蓋】 D07_001	10
【2 瞋恚蓋】 D07_002	10
【3 昏沈睡眠蓋】 D07_003	10
【4 掉舉惡作蓋】 D07_004	11
【5 疑蓋】 D07_005	11
【2 明食非食】 D05_005	11
【3目 安立支名】 D4_007	13
【1 依地立數】 D05_006	13
【2 明廢立】 D05_007	13
【4目 安立定名】 D4_008	13
【1 釋別名】 D05_008	13
【2 釋通名】 D05_009	13
【1 增上心】 D06_003	13

【2 現法樂住】 D06_004	13
【1 解樂】 D07_006	13
【2 解現法住】 D07_007	14
【3 解無色不名所由】 D07_008	14
【3 彼分涅槃】 D06_005	14
【4 差別涅槃】 D06_006	14
【5 出諸受事】 D06_007	14
【1 標四出引經證成】 D07_009	14
【1 標四出離】 D08_001	14
【2 解出離經】 D08_002	14
【1 解離憂經】 D09_001	14
【2 例離餘經】 D09_002	15
【3 問答辨】 D08_003	15
【1 諸根相】 D09_003	15
【2 明苦根】 D09_004	15
【3 釋無相】 D09_005	15
【2 與五順出離界展轉相攝】 D07_010	15
【1 釋出離言】 D08_004	15
【2 釋妨難】 D08_005	16
【3 雜釋經】 D08_006	16
【3 在因釋六出離界經】 D07_011	16
【1 引證經釋】 D08_007	16
【2 明別治行相】 D08_008	17
【1 約三類則治】 D09_006	17
【2 約六行別治】 D09_007	17
【3 釋妨難】 D08_009	17
【4 釋五六界差別】 D08_010	17
【4 離諸過失名出離依】 D07_012	17
【1 標出離依有四種】 D08_011	17
【2 隨別釋行相所由】 D08_012	17
【1 標因四人有別建立四種】 D09_008	17
【2 廣釋行相】 D09_009	18
【3 結四種四時得失】 D08_013	18
【3 節 合釋作意及相二門】 D02_003	18
【1 項 總說】 D03_005	18
【2 項 別釋】 D03_006	18
【1 目 釋作意】 D4_009	18

【1 標列七作意與四十作意】 D05_010	18
【1 總說】 D06_008	18
【2 別釋】 D06_009	18
【1 七種作意】 D07_013	18
【2 四十作意】 D07_014	18
【2 別釋四十作意行相】 D05_011	19
【1 教義：1-2 緣法與緣義】 D06_010	19
【2 四念住：3-6 緣身受心法作意】 D06_011	19
【3 二假實：7-8 勝解與真實作意】 D06_012	19
【4 凡聖三類：9-11 有學、無學與非學非無學作意】 D06_013	19
【5 斷初中後三類：12-14 遍知、正斷與已斷作意】 D06_014	19
【6 四類所緣：15-18 有分別影像所緣、無分別影像所緣、事邊際所緣與所作成辦所緣作意】 D06_015	19
【7 六類修證離染：19-26 勝解、思擇、寂靜、一分修、具分修、無間、殷重與寂靜作意】 D06_016	20
【8 四道：27-30 隨順、對治、順清淨、順觀察與力勵運轉作意】 D06_017	20
【9 四位修：31-33 力勵運轉、有間運轉、有功用運轉與自然運轉作意】 D06_018	20
【10 四類慧定離障而得自在：34-37 思擇、內攝、淨障作意與依止成辦所行清淨作意】 D06_019	20
【11 四類三乘因果所有作意：37-40 他所建立、內增上取、廣大與遍行作意】 D06_020	21
【3 以七作意與四十作意相攝】 D05_012	21
【2 隨文辨相攝(缺解 1 明七作意相)】 D06_021	21
【2 目 釋所緣】 D4_010	22
【1 以緣即相】 D05_013	22
【2 別明相】 D05_014	22
【1 明四相三十二相】 D06_022	22
【2 明本末相攝】 D06_023	23
【3 目 通辨】 D4_011	24
【1 修作意所由】 D05_015	24
【2 四緣入等至】 D05_016	24
【3 四得靜慮】 D05_017	24
【4 味淨定等差別】 D05_018	25
【5 四分定異】 D05_019	25
【6 次第與超越入出】 D05_020	25
【7 薰修差別】 D05_021	26
【1 明二義雜修】 D06_024	26
【2 明修生差別】 D06_025	26

【1 因生】 D07_015	26
【2 染退善進】 D07_016	26
【3 修因處】 D07_017	26
【4 辨差別】 D07_018	26
【4-5 節 釋諸經攝宗要及最後雜眾義】 D02_004	26
【1 項 釋諸經之攝宗要】 D03_007	26
【1 目 初標】 D4_012	26
【2 目 別釋】 D4_013	27
【1 釋解脫】 D05_022	27
【1 八解脫(論記有科:1 標數釋名與 2 辨其行相)】 D06_026	27
【2 八勝處】 D06_027	27
【1 釋名】 D07_019	27
【2 出體】 D07_020	28
【3 十遍處】 D06_028	28
【1 釋名】 D07_021	28
【2 出體性】 D07_022	28
【3 廢立】 D07_023	28
【4 所緣境】 D07_024	28
【4 總料簡】 D06_029	28
【1 釋解脫勝處遍處次第】 D07_025	28
【2 解遍處作用】 D07_026	28
【3 以喻顯三法次第】 D07_027	28
【2 釋等持】 D05_023	29
【1 三三摩地】 D06_030	29
【1 別明三摩地行境別相】 D07_028	29
【1 空三摩地】 D08_014	29
【1 釋名】 D09_010	29
【2 釋空性差別】 D09_011	29
【2 無願三摩地】 D08_015	29
【3 無相心三摩地】 D08_016	29
【1 釋行相】 D09_012	29
【2 釋彼經】 D09_013	29
【2 明三摩地行別境同相】 D07_029	30
【3 先後次第妨難】 D07_030	30
【2 有尋有伺三摩地】 D06_030	30
【3 小大無量三摩地】 D06_031	31
【1 略辨小大無量義】 D07_031	31

【2 釋經文】 D07_032	31
【3 別建立四無量義】 D07_033	31
【1 釋經四無量行相差別】 D08_017	31
【2 釋無量差別】 D08_018	32
【1 釋通經】 D09_014	32
【2 問答辨因釋別經】 D09_015	32
【3 結成聖行】 D09_016	32
【4 一分修具分修三摩地】 D06_032	32
【1 別釋二修】 D07_034	32
【2 釋定難】 D07_035	33
【5 三受俱三摩地】 D06_033	33
【6 四修定】 D06_034	33
【7 五聖智三摩地】 D06_035	33
【1 標引經】 D07_036	33
【2 陳五智】 D07_037	34
【3 別釋經】 D07_038	34
【8 聖五支三摩地】 D06_036	34
【1 標五支總別引經】 D07_039	34
【2 別引五支經釋】 D07_040	34
【1 法說】 D08_019	34
【2 喻說】 D08_020	34
【1 離生喜樂喻說(通喻四靜慮相)】 D09_017	34
【2 五喻說】 D09_018	34
【3 問答五支定相】 D07_041	35
【9 有因有具聖正三摩地】 D06_037	35
【1 問】 D07_042	35
【2 別辨相】 D07_043	36
【1 解聖】 D08_021	36
【2 有因有具】 D08_022	36
【1 列因具名】 D09_019	36
【2 因具所以】 D09_020	36
【3 釋因具相】 D09_021	36
【3 釋正三摩地】 D08_023	36
【3 先後次第生起所由】 D07_044	36
【10 金剛喻三摩地】 D06_038	37
【3 釋三摩底】 D05_024	37
【1 五現見三摩底】 D06_039	37
【1 引經標】 D07_045	37

【2 釋現見等至義】 D07_046	37
【3 出總略體性】 D07_047	37
【4 別釋行相】 D07_048	37
【2 勝處遍處如前已說】 D06_040	37
【3 無想三摩底】 D06_041	37
【4 滅盡三摩底】 D06_042	38
【3 目 通結】 D04_014	38
【2 項 釋雜義經】 D03_008	39
【1 目 十一復次別引經釋】 D04_015	39
【1 身心遠離引如實覺】 D05_025	39
【2 善修止觀覺了所知】 D05_026	39
【3 等持等至善巧】 D05_027	39
【1 引經標】 D06_043	39
【2 兩復次釋經四句】 D06_044	39
【3 別釋十四句經】 D06_045	40
【4 分別靜慮經】 D05_028	41
【1 引經標】 D06_046	41
【2 略釋四轉】 D06_047	41
【3 廣釋相】 D06_048	41
【4 結成】 D06_049	41
【5 分別四檢行定經】 D05_029	42
【1 引經標】 D06_050	42
【2 略顯檢行相】 D06_051	42
【3 廣顯示】 D06_052	42
【6 於六境不受想無想經】 D05_030	42
【7 四種趣道經】 D05_031	42
【8 四淨勝經】 D05_032	43
【1 標淨勝經】 D06_053	43
【2 釋淨勝義】 D06_054	43
【3 釋淨勝相】 D06_055	43
【9 心清淨行苾芻思惟五相經】 D05_033	43
【10 盪塵經】 D05_034	44
【1 引經問】 D06_056	44
【2 釋三陶練喻】 D06_057	44
【3 舉法合】 D06_058	44
【11 於三相思惟經】 D05_035	44
【2 目 以四法攝持聖教】 D04_016	45

【1 標】 D05_036	45
【2 別】 D05_037	45
【3 釋】 D05_038	45

插圖／何月蘭

科判排版／釋惠敏·郭麗娟

義工／葛賢敏·黃齡儀

程式支援／周邦信

瑜伽師地論卷第十一

彌勒菩薩說 三藏法師玄奘奉 詔譯

本地分中三摩呬多地第六之一

【三摩呬多地】

【1 章 開列五門釋之】 D01_001

已說有尋有伺等三。云何三摩呬多地？嗚拖南曰：

總標、與安立、 作意、相差別、
攝諸經宗要、 最後眾雜義。

若略說三摩呬多地。當知由總標故、安立故、作意差別故、相差別故、略攝諸經宗要等故。

【2 章 依門釋】 D01_002

【1 節 釋總標】 D02_001

【1 項 總說】 D03_001

云何總標？謂此地中、略有四種。一者、靜慮，二者、解脫，三者、等持，四者、等至。

【2 項 別釋】 D03_002

【1 目 靜慮】 D4_001

靜慮者：謂四靜慮。一、從離生有尋有伺靜慮，二、從定生無尋無伺靜慮，三、離喜靜慮，四、捨念清淨靜慮。

【2 目 解脫】 D4_002

解脫者：謂八解脫。一、有色觀諸色解脫，二、內無色想觀外諸色解脫，三、淨解脫身作證具足住解脫，四、空無邊處解脫，五、識無邊處解脫，六、無所有處解脫，七、非想非非想處解脫，八、想受滅身作證具足住解脫。

【3 目 等持】D4_003

等持者：謂三三摩地。一、空，二、無願，三、無相。復有三種。謂有尋有伺、無尋唯伺、無尋無伺。復有三種。謂小、大、無量。復有二種。謂一分修、具分修。復有三種。謂喜俱行、樂俱行、捨俱行。復有四種。謂四修定。復有五種。謂五聖智三摩地。復有五種。謂聖五支三摩地。復有有因有具聖正三摩地。復有金剛喻三摩地、復有有學無學非學非無學等三摩地。

【4 目 等至】D4_004

等至者：謂五現見三摩鉢底、八勝處三摩鉢底、十遍處三摩鉢底、四無色三摩鉢底、無想三摩鉢底、滅盡定等三摩鉢底。

【2 節 釋安立】D02_002

【1 項 總說】D03_003

云何安立？謂唯此等名等引地；非於欲界心一境性。由此定等、無悔歡喜安樂所引；欲界不爾。非欲界中於法全無審正觀察。

【2 項 別釋】D03_004

【1 目 安立離生喜樂】D4_005

【1 引經標】D05_001

復次初靜慮中、說離生喜；由證住此、斷除五法、謂欲所引喜、欲所引憂、不善所引喜、不善所引憂、不善所引捨。又於五法修習圓滿。謂歡、喜、安、樂、及三摩地。

【2 別釋】D05_002

欲所引喜者：於妙五欲若初得時、若已證得正受用時、或見，或聞，或曾領受；由此諸緣、憶念歡喜。欲所引憂者：於妙五欲、若求不遂，若已受用、更不復得，或得已便失，由此諸緣，多生憂惱。

不善所引喜者：謂如有一、與喜樂俱而行殺業、乃至邪見。不善所引憂者：謂如有一、與憂苦俱而行殺業、乃至邪見。不善所引捨者：謂如有一或王王等、或餘宰官、或尊尊等、自不樂為殺等惡業；然其僕使作惡業時、忍而不制，亦不安處毘奈耶中，由縱捨故、遂造惡業；彼於此業、現前領解，非不現前。又住於捨、尋求伺察為惡方便。又於諸惡耽著不斷、引發於捨。又於不善現前轉時、發起中庸非苦樂受。歡者：

謂從本來清淨行者、觀資糧地所修淨行、無悔爲先慰意適悅、心欣踊性。喜者：謂正修習方便爲先。深慶適悅、心欣踊性。安者：謂離羸重、身心調適性。樂者：謂由如是心調適故，便得身心無損害樂、及解脫樂；以離彼品羸重性故、於諸煩惱而得解脫。三摩地者：謂於所緣審正觀察、心一境性。

【3 前後妨難】 D05_003

世尊於無漏方便中、先說三摩地，後說解脫。由三摩地善成滿力、於諸煩惱心永解脫故。於有漏方便中、先說解脫，後說三摩地。由證方便究竟作意果煩惱斷已、方得根本三摩地故。或有俱時、說三摩地及與解脫。謂即於此方便究竟作意、及餘無間道三摩地中。由三摩地、與彼解脫俱時有故。

【2 目 安立蓋障】 D4_006

【1 明蓋相】 D05_004

【1 標列】 D06_001

復次於諸靜慮等至障中、略有五蓋；將證彼時、能爲障礙。何等爲五？一、貪欲蓋，二、瞋恚蓋，三、昏沈睡眠蓋，四、掉舉惡作蓋，五、疑蓋。

【2 別釋】 D06_002

【1 貪欲蓋】 D07_001

貪欲者：謂於妙五欲隨逐淨相、欲見欲聞乃至欲觸，或隨憶念先所領受、尋伺追戀。

【2 瞋恚蓋】 D07_002

瞋恚者：謂或因同梵行等舉其所犯、或因憶念昔所曾經不饒益事瞋恚之相、心生恚怒；或欲當作不饒益事、於當所爲瞋恚之相、多隨尋伺，心生恚怒。

【3 昏沈睡眠蓋】 D07_003

昏沈者：謂或因毀壞淨尸羅等隨一善行、不守根門，食不知量、不勤精進減省睡眠、不正知住而有所作、於所修斷不勤加行、隨順生起一切煩惱身心昏昧無堪任性。

睡眠者：謂心極昧略。又順生煩惱、壞斷加行、是昏沈性；心極昧略，是睡眠性。是故此二、合說一蓋。又昏昧無堪任性、名昏沈；昏昧心極略性、名睡眠。由此昏沈生諸煩惱隨煩惱時、無餘近緣如睡眠者。諸餘煩惱、及隨煩惱、或應可生，或應不生，

若生昏昧、睡眠必定皆起。

【4 掉舉惡作蓋】D07_004

掉舉者：謂因親屬尋思、國土尋思、不死尋思、或隨憶念昔所經歷戲笑歡娛所行之事、心生誼動騰躍之性。

惡作者：謂因尋思親屬等故、心生追悔：謂我何緣離別親屬，何緣不往如是國土；何緣棄捨如是國土、來到於此、食如是食，飲如是飲，唯得如是衣服、臥具、病緣醫藥、資身眾具；我本何緣少小出家，何不且待至年衰老，或因追念昔所曾經戲笑等事、便生悔恨：謂我何緣於應受用戲樂嚴具朋遊等時、違背宗親朋友等意、令其悲戀涕淚盈目、而強出家。由如是等種種因緣生憂戀心、惡作追悔。由前掉舉、與此惡作處所等故，合說一蓋。又於應作不應作事、隨其所應或已曾作、或未曾作、心生追悔：云何我昔應作不作，非作反作。除先追悔所生惡作，此惡作纏、猶未能捨；次後復生相續不斷憂戀之心、惡作追悔。此又一種惡作差別。次前所生非處惡作、及後惡作、雖與掉舉處所不等；然如彼相騰躍誼動、今此亦是憂戀之相。是故與彼雜說一蓋。

【5 疑蓋】D07_005

疑者：謂於師、於法、於學、於誨、及於證中、生惑生疑。由心如是懷疑惑故；不能趣入勇猛方便正斷寂靜。又於去來今，及苦等諦、生惑生疑。心懷二分、迷之不了，猶豫猜度。

【2 明食非食】D05_005

問：此貪欲蓋以何為食？

答：有淨妙相、及於彼相不正思惟多所修習以之為食。淨妙相者：謂第一勝妙諸欲之相。若能於此遠離染心；於餘下劣、亦得離染。如制強力、餘劣自伏。此復云何？謂女人身上八處所攝可愛淨相。由此八處、女縛於男。所謂歌、舞、笑、睇、美容、進止、妙觸、就禮。由此因緣、所有貪欲未生令生，生已增長；故名為食。

問：此貪欲蓋、誰為非食？

答：有不淨相、及於彼相如理作意多所修習以為非食。此復云何？謂青瘀等。若觀此身種種不淨雜穢充滿、名觀內身不淨之相；復觀於外青瘀等相種種不淨、名觀外身不淨之相。由觀此二不淨相故。未生貪欲令其不生，生已能斷故名非食。由於彼相如理作意故、遮令不生；多所修習故、生已能斷。前黑品中、由於彼相不正思惟故、未生令生；多所修習故、倍更增廣。

問：瞋恚蓋、以何為食？

答：有瞋恚性、有瞋恚相、及於彼相不正思惟，多所修習以之為食。依於種種不饒益事心生惱害、名瞋恚性；不饒益事、名瞋恚相。於九惱事不正作意、名不正思惟。如是等事、皆名為食。

問：此瞋恚蓋、誰爲非食？

答：有仁慈賢善、及於彼相如理作意、多所修習以爲非食。又此慈善、恒欲與他安樂爲相、修力所攝。由思擇力所攝作意調伏九惱、以能斷除瞋恚蓋故；經中唯說此爲非食。

問：昏沈睡眠蓋、以何爲食？

答：有黑暗相、及於彼相不正思惟、多所修習以之爲食。

問：此蓋、誰爲非食？

答：有光明相、及於彼相如理作意、多所修習以爲非食。明有三種。一、治暗光明，二、法光明，三、依身光明。治暗光明、復有三種。一、在夜分。謂星月等。二、在晝分。謂日光明。三、在俱分。謂火珠等。法光明者：謂如有一、隨其所受所思所觸、觀察諸法；或復修習隨念佛等。依身光明者：謂諸有情自然身光。當知初明、治三種暗。一者、夜暗，二者、雲暗，三者、障暗。謂窟宅等。法明能治三種黑暗。由不如實知諸法故，於去來今、多生疑惑。於佛法等、亦復如是。此中無明、及疑、俱名黑暗。又證觀察、能治昏沈睡眠黑暗，以能顯了諸法性故。

問：掉舉惡作蓋、以何爲食？

答：於親屬等所有尋思、於曾所經戲笑等念、及於彼相不正思惟、多所修習以之爲食、親屬尋思者：謂因親屬或盛或衰、或離或合、發欣感行，心生籌慮等。國土尋思者：謂因國土盛衰等相、廣如前說。不死尋思者：謂因少年及衰老位諸有所作、或利他事、發欣感行，心生籌慮等。笑者：謂隨有一、或因開論、或因合論、現齒而笑，歡聚啞啞。戲者：謂雙陸擲菹弄珠等戲。或有所餘種類歡樂。謂互相受用，受用境界，受諸快樂，或由同處、或因戲論、歡娛而住。所行事者：謂相執持手臂髮等、或相摩觸隨一身分、或抱或鳴、或相顧眄、或作餘事。

問：此蓋誰爲非食？

答：有奢摩他、及於彼相如理作意、多所修習以爲非食。奢摩他者：謂九種住心、及奢摩他品所攝諸法。謂於自他若衰若盛可厭患法、心生厭離驚恐惡賤，安住寂靜。

問：疑蓋以何爲食？

答：有去來今、及於彼相不正思惟、多所修習以之爲食。謂我於過去爲有爲無、廣說如上。

不正思惟者：謂不可思處所攝思惟。不可思處者：謂我思惟有情思惟、世間思惟。若於自處、依世差別思惟我相、名我思惟。若於他處、名有情思惟；若於有情世間、及器世間處、名世間思惟。謂世間常、或謂無常、亦常亦無常、非常非無常等。

問：此蓋誰爲非食？

答：有緣、緣起、及於彼相如理作意、多所修習以爲非食。由彼觀見唯有於法、及唯法因，唯有於苦、及唯苦因故；所有一切不正思惟爲緣無明、於三世境、未生者

不生，已生者能斷。若不如理而強作意、其如理者而不作意；總說此二、名不正思惟。若於是中、應合道理；應知是處、名為如理。謂於闇中作光明想。由此方便、如理作意、非不如理。於餘處所、亦有所餘如理作意。

【3 目 安立支名】 D4_007

【1 依地立數】 D05_006

復次於初靜慮、具足五支。一、尋，二、伺，三、喜，四、樂，五、心一境性。第二靜慮有四支。一、內等淨，二、喜，三、樂，四、心一境性。第三靜慮有五支。一、捨，二、念，三、正知，四、樂，五、心一境性。第四靜慮有四支。一、捨清淨，二、念清淨，三、不苦不樂受，四、心一境性。

【2 明廢立】 D05_007

初靜慮中尋伺、為取所緣；三摩地、為彼所依；喜為受境界；樂、為除羸重。第二靜慮中內等淨、為取所緣；三摩地、為彼所依；餘如前說。第三靜慮中捨、念、正知、為取所緣；三摩地、為彼所依；餘如前說。第四靜慮中捨淨、念淨、為取所緣；三摩地、為彼所依；餘如前說。諸靜慮中、雖有餘法；然此勝故，於修定者為恩重故，偏立為支。

【4 目 安立定名】 D4_008

【1 釋別名】 D05_008

問：何因緣故、初靜慮中有尋有何耶？

答：由彼能厭患欲界、入初靜慮。初靜慮中、而未能觀尋伺過故。第二靜慮、能觀彼過；是故說為尋伺寂靜。如第二靜慮、見彼過故、名尋伺寂靜。如是第三靜慮、見喜過故、名喜寂靜。第四靜慮、見樂過故、名樂寂靜、捨念清淨，差別應知。

【2 釋通名】 D05_009

【1 增上心】 D06_003

復次是諸靜慮名差別者、或名增上心：謂由心清淨增上力、正審慮故。

【2 現法樂住】 D06_004

【1 解樂】 D07_006

或名樂住。謂於此中受極樂故。所以者何？依諸靜慮、領受喜樂安樂捨樂身心樂

故。

【2 解現法住】D07_007

又得定者、於諸靜慮數數入出、領受現法安樂住故。由此定中現前領受現法樂住、從是起已、作如是言：我已領受如是樂住。

【3 解無色不名所由】D07_008

於無色定、無如是受；是故不說彼為樂住。然彼起已、應正宣說。何以故？若有阿練若苾芻來就彼問、彼若不答；便生譏論：此阿練若苾芻、云何名為阿練若者。我今問彼超色無色寂靜解脫、而不能記。是故為說應入彼定；非為樂住。

【3 彼分涅槃】D06_005

或復名為彼分涅槃；亦得說名差別涅槃。由諸煩惱一分斷故，非決定故，名彼分涅槃。

【4 差別涅槃】D06_006

非究竟涅槃故，名差別涅槃。

【5 出諸受事】D06_007

【1 標四出引經證成】D07_009

【1 標四出離】D08_001

復次此四靜慮，亦得名為出諸受事。謂初靜慮、出離憂根；第二靜慮、出離苦根；第三靜慮、出離喜根；第四靜慮、出離樂根；於無相中、出離捨根。

【2 解出離經】D08_002

【1 解離憂經】D09_001

如薄伽梵無倒經中說如是言：苾芻！憂根生已，應當如實了知生者，此於何位？謂即於此斷方便位、若為憂根間心相續；爾時應知。又應并此因緣及序若相若行皆如實知者：云何知因？謂了知此種子相續。云何知緣？謂了知此種所不攝、所依助伴。云何知序？謂知憂根、託此事生。即是能發憂根之相、及無知種子。云何知相？謂了知此是感行相。云何知行？謂了知此能發之行、即不如理作意相應思也。如是知已於出離中極制持心者：云何制持？謂於染污行制攝其心；於思惟修、任持堅住。又於是中無餘盡滅乃至究竟者：謂滅隨眠故，滅諸纏故。世間靜慮、但能漸捨彼品羶重；不

拔種子、若異此者；種永拔故、後不應生。無漏靜慮、二種俱捨。

【2 例離餘經】 D09_002

如是於餘隨應當知。

【3 問答辨】 D08_003

【1 諸根相】 D09_003

問：以何等相、了知憂根？

答：或染污相、或出離欲俱行善相。苦根者：或由自等增上力故，或由身勞增上力故，或火燒等增上力故，或他逼等增上力故，諸離欲者、猶尚生起。喜根者：謂第二靜慮中。即第二靜慮地攝。樂根者：謂第三靜慮中。即第三靜慮地攝。

【2 明苦根】 D09_004

問：何故苦根、初靜慮中說未斷耶？

答：彼品羸重、猶未斷故。

問：何緣生在初靜慮者、苦根未斷、而不現行？

答：由其助伴相對憂根所攝諸苦、彼已斷故。若初靜慮已斷苦根；是則行者入初靜慮、及第二時，受所作住、差別應無。由二俱有喜及樂故。而經中說由出諸受、靜慮差別。又此應無尋伺寂靜羸重斷滅、所作差別。如是餘根、彼品羸重、漸次斷故；上諸靜慮、斷有差別。

【3 釋無相】 D09_005

又無相者：經中說為無相心定。於此定中捨根永滅、但害隨眠。彼品羸重、無餘斷故。非滅現纏。住無相定、必有受故。於此定中、容有三受。謂喜、樂、捨。非彼諸受得有隨眠。煩惱斷故、說以為斷；彼品羸重、說名隨眠。又此捨根、乃至何處？當知始從第四靜慮、乃至有頂。

【2 與五順出離界展轉相攝】 D07_010

【1 釋出離言】 D08_004

復次此五根出離、無相為後、與彼五種順出離界展轉相攝。此中由欲害出離、即說乃至樂根出離；由色出離、即說第四靜慮捨根出離；由薩迦耶滅、即說無色界一切捨根出離。順出離言、有何等義？由住此者能出離故、名順出離。不說由此出離於彼。為離欲者、說此界故。

【2 釋妨難】 D08_005

問：諸欲恚害、定同時斷；何緣建立別出離耶？

答：彼諸出離、雖復同時；約修對治有差別故、宣說三種出離差別。

對治差別者：謂不淨、慈、悲、如其次第。或有唯修不淨、出離一切；或慈、或悲。是故別說三種出離。此上唯有一類對治故，後出離無有差別。

【3 雜釋經】 D08_006

云何猛利見者等隨念欲？謂由觀察作意於勝事作意故，猛利功用作意故。云何於諸欲中心不趣入？謂於彼處、不見勝功德故。云何不美？謂於彼處、喜悅不生故。云何不住？謂於彼處、不樂受用為欣悅故。云何無有勝解？謂於彼處、不樂取著不如理相故。云何萎瘁？謂雖縱任、而不舒泰故。云何壞散？謂取境已、尋復棄捨故。云何而不舒泰？謂於所緣、雖強令住，而不愛樂故。云何等住於捨？謂行平等位、於平等位中心遊觀故。何等為厭？謂由於彼深見過患、棄背為性。此復三種。謂無常故、苦故、變壞法故。何等為惡？謂由於彼初見過患、棄背為性。何等為違？謂由於彼中見過患、棄背為性。何等為背？謂由於彼後見過患、棄背為性。與此相違即於離欲作意趣入者：謂於是處見勝功德故，美者：謂於是處生清淨信而證順故。住者：謂於所緣不流散故。勝解者：由於是處不染污轉、於諸煩惱得離繫故。以於厭等棄背行中正流轉時、心無罣礙；又復於捨無有功用。云何其心善逝？謂住方便究竟作意故。云何善修？謂善修習餘作意故。當知此說斷位、及斷方便道位。解者：謂解脫諸纏故。脫者：謂解脫所緣相故。離繫者：謂解脫隨眠故。從諸欲緣所生諸漏者：謂除欲貪，於欲界中所餘煩惱。損匱者：謂因此生執器仗等惡行差別、於此若作若增長故，生諸惡趣。燒者：謂由此因、欲愛噉食、燒身心故。惱者：謂由此因、若事變壞、便生愁歎憂苦惱故。於彼解脫超出離繫者：謂如前次第、解脫諸纏所緣隨眠故。云何終不領納緣彼諸受？謂依將得正得隨念諸欲境界、染污諸受不復現行；其所依身、不為眾感染污而住，如紅蓮花、水滴不著。

【3 在因釋六出離界經】 D07_011

【1 引證經釋】 D08_007

復有六種順出離界。如經廣說。謂我已修慈，乃至我已離諸我慢，然我猶為疑惑毒箭、悶亂其心。是故慈等、於恚害等非正對治。當知為捨如是邪執、建立此界。

【2 明別治行相】 D08_008

【1 約三類則治】 D09_006

是中恚等離欲對治、有差別故，建立前四。對治相故，觀察聖住得道理故，建立無相。

【2 約六行別治】 D09_007

觀察究竟正道理故，建立第六。慈對治恚。無損行轉故。悲對治害。為除他苦、勝樂行轉故。喜治不樂。於他樂事、隨喜行轉故。捨治貪恚、俱捨行轉故。無相對治一切眾相。相相違故。若離我慢；於自解脫、或所證中、定無疑惑。故離我慢、是彼對治。

【3 釋妨難】 D08_009

此諸出離、定能出離一切恚等。不善修故，恚等過失、容可現行。又前五種順出離界、初之四種、天住所攝；第五一種、聖住所攝。

【4 釋五六界差別】 D08_010

今此六種順出離界、前之四種、梵住所攝；第五、第六、聖住所攝。

【4 離諸過失名出離依】 D07_012

【1 標出離依有四種】 D08_011

復次能超恚等諸過失故，名為出離；於出離時、正可憑仗，故名為依。世尊說依、略有四種。一、法是依，非數取趣；二、義是依，非文；三、了義經是依，非不了義經；四、智是依，非識。此四種依、因何建立？補特伽羅四種別故。謂因諂詐補特伽羅差別故，建立初依；因順世間補特伽羅差別故，建立第二；因住自見取補特伽羅差別故，建立第三；因聞為極補特伽羅差別故，建立第四；因其諂詐、說法是依，非數取趣。要與彼論分別決擇、方證正智；非唯由彼現威儀故。

【2 隨別釋行相所由】 D08_012

【1 標因四人有別建立四種】 D09_008

即於此中復有差別。謂佛宣說補特伽羅、及與諸法、唯法是依，非數取趣。世俗言辭、不應執故。

【2 廣釋行相】D09_009

法又二種，謂文、及義。唯義是依，非文。何以故？不應但聞、即爲究竟。要須於義、思惟籌量審觀察故。佛所說經、或有了義，或不了義。觀察義時、了義是依，非不了義。世尊或時宣說依趣福不動識。爲往善趣故。或時宣說四聖諦智爲向涅槃故。於修法隨法行時、唯智是依，非識。

【3 結四種四時得失】D08_013

略於四時失不失故、建立四種補特伽羅。謂得法時、住持時、觀察義時、修法隨法行時。依四時故、建立四依。

【3 節 合釋作意及相二門】D02_003

【1 項 總說】D03_005

復次已說安立。當知於此靜慮等中、作意所緣二種差別。

【2 項 別釋】D03_006

【1 目 釋作意】D4_009

【1 標列七作意與四十作意】D05_010

【1 總說】D06_008

作意差別者：謂七種根本作意、及餘四十作意。

【2 別釋】D06_009

【1 七種作意】D07_013

云何七種作意？謂了相作意、勝解作意、遠離作意、攝樂作意、觀察作意、加行究竟作意、加行究竟果作意。

【2 四十作意】D07_014

云何四十作意？謂緣法作意、緣義作意、緣身作意、緣受作意、緣心作意、緣法作意、勝解作意、真實作意、有學作意、無學作意、非學非無學作意、遍知作意、正斷作意、已斷作意、有分別影像所緣作意、無分別影像所緣作意、事邊際所緣作意、

所作成辦所緣作意、勝解思擇作意、寂靜作意、一分修作意、具分修作意、無間作意、殷重作意、隨順作意、對治作意、順清淨作意、順觀察作意、力勵運轉作意、有間運轉作意、有功用運轉作意、自然運轉作意、思擇作意、內攝作意、淨障作意、依止成辦所行清淨作意、他所建立作意、內增上取作意、廣大作意、遍行作意。

【2 別釋四十作意行相】 D05_011

【1 教義：1-2 緣法與緣義】 D06_010

緣法作意者：謂聞所成慧相應作意。

緣義作意者：謂思修所成慧相應作意。

【2 四念住：3-6 緣身受心法作意】 D06_011

緣身受心法作意者：謂修念住者，如理思惟身等作意。

【3 二假實：7-8 勝解與真實作意】 D06_012

勝解作意者：謂修靜慮者、隨其所欲、於諸事相增益作意。

真實作意者：謂以自相共相及真如相、如理思惟諸法作意。

【4 凡聖三類：9-11 有學、無學與非學非無學作意】 D06_013

有學作意、略有二種。一者、自性，二、在相續。

自性者：謂有學無漏作意。在相續者：謂有學一切善作意。如有學作意，當知無學作意二種、亦爾。

非學非無學作意者：謂一切世間作意。

【5 斷初中後三類：12-14 遍知、正斷與已斷作意】 D06_014

遍知作意者：謂由此故遍知所緣、而不斷惑。

正斷作意者：謂由此故。俱作二事。

已斷作意者：謂斷煩惱後所有作意。

【6 四類所緣：15-18 有分別影像所緣、無分別影像所緣、事邊際所緣與所作成辦所緣作意】 D06_015

有分別影像所緣作意者：謂由此故、修緣分別體境毘鉢舍那。

無分別影像所緣作意者：謂由此故、修緣分別體境奢摩他。

事邊際所緣作意者：謂由此故、了知一切身受心法所緣邊際；過此、更無身受心法。

所作成辦所緣作意者：謂我思惟如此如此、若我思惟如是如是、當有如此如此，當辦如是如是；及緣清淨所緣作意。

【7 六類修證離染：19-26 勝解、思擇、寂靜、一分修、具分修、無間、殷重與寂靜作意】D06_016

勝解思擇作意者：謂由此故，或有最初思擇諸法、或奢摩他而為上首。

寂靜作意者：謂由此故，或有最初安心於內、或毘鉢舍那而為上首。

一分修作意者：謂由此故，於奢摩他毘鉢舍那、隨修一分。

具分修作意者：謂由此故，二分雙修。

無間作意者：謂一切時無間無斷、相續而轉。

殷重作意者：謂不慢緩加行方便。此中由勝解思擇作意故、淨修智見。

由寂靜作意故、生長輕安。由一分具分修作意故、於諸蓋中心得解脫；由無間殷重作意故、於諸結中心得解脫。又由無間作意故、終不徒然而捨身命；由殷重作意故、速證通慧。

【8 四道：27-30 隨順、對治、順清淨、順觀察與力勵運轉作意】D06_017

隨順作意者：謂由此故、厭壞所緣，順斷煩惱。

對治作意者：謂由此故、正捨諸惑任持於斷，令諸煩惱遠離相續。

順清淨作意者：謂由此故、修六隨念；或復思惟隨一妙事。

順觀察作意者：謂由此故、觀諸煩惱斷與未斷；或復觀察自己所證、及先所觀諸法道理。

【9 四位修：31-33 力勵運轉、有間運轉、有功用運轉與自然運轉作意】

D06_018

力勵運轉作意者：謂修始業未得作意者所有作意。

有間運轉作意者：謂已得作意、於上慢緩修加行者、所有作意。

有功用運轉作意者：謂即於此勇猛精進無有慢緩修加行者、所有作意。

自然運轉作意者：謂於四時決定作意。一、得作意時，二、正入已入根本定時。三、修現觀時，四、正得已得阿羅漢時。

【10 四類慧定離障而得自在：34-37 思擇、內攝、淨障作意與依止成辦所行清淨作意】D06_019

思擇作意者：謂毘鉢舍那品作意。

內攝作意者：謂奢摩他品作意。

淨障作意者：謂由此故、棄捨諸漏，永害羸重。

依止成辦所行清淨作意者：謂由此故、依離一切羸重之身、雖行一切所緣境界；而諸煩惱不復現行。

【11 四類三乘因果所有作意：37-40 他所建立、內增上取、廣大與遍行作意】D06_020

他所建立作意者：謂諸聲聞所有作意、要從他音、乃能於內如理作意故。

內增上取作意者：謂諸獨覺及諸菩薩所有作意、以不從師而覺悟故。

廣大作意者：謂諸菩薩爲善了知生死過失出離方便、發弘誓願趣大菩提所有作意。

遍行作意者：謂佛世尊、現見一切無障礙智相應作意。若諸菩薩、遍於三乘及五明處方便善巧所有作意。

【3 以七作意與四十作意相攝】D05_012

【2 隨文辨相攝(缺解 1 明七作意相)】D06_021

此中了相作意、攝緣法緣義；餘六作意、唯攝緣義；緣身等境四種作意、遍在七攝。了相、勝解、加行究竟果作意、通攝勝解真實作意；觀察作意；唯攝勝解；餘三作意、唯攝真實。此就前門。就餘門者、當知隨應。七種作意、皆攝有學及非學非無學二種作意，亦攝無學作意。謂清淨地了相作意、及加行究竟果作意。了相勝解觀察作意、攝遍知作意；餘三作意、攝正斷作意；加行究竟果作意、攝已斷作意。觀察作意、唯攝有分別影像所緣作意；餘六作意、通攝二種。事邊際所緣作意、遍一切攝所作成辦所緣作意、若就初門、遍一切攝；就第二門、唯加行究竟果作意所攝。最初勝解思擇作意，皆所不攝。若奢摩他而爲上首、遍一切攝。若最初寂靜、若毘鉢舍那而爲上首、當知亦爾。前六作意、通攝一分及具分修；加行究竟果作意、唯攝具分修。無間作意、殷重作意、遍一切攝。隨順作意、初二所攝；對治作意、遠離加行究竟二作意攝，及攝樂作意一分所攝。順清淨作意、唯攝樂一分所攝。順觀察斷未斷作意、唯觀察作意所攝。此就斷對治說。若就所餘、隨應當知。力勵運轉作意、皆所不攝；有間有功用運轉作意、乃至攝樂作意所攝；自然運轉作意、加行究竟及此果二作意攝。思擇作意、了相所攝；內攝作意、勝解所攝。淨障作意、遠離攝樂觀察加行究竟作意所攝。依止成辦所行清淨作意、唯加行究竟果作意所攝。他所建立內增上取作意、一切作意所攝。廣大作意、皆所不攝。初遍行作意、加行究竟果攝；第二、一切所攝。又了相作意、若他所建立作意攝者；以聞他音、及內如理作意、定爲其緣。若內增上取作意攝者；唯先資糧以爲其緣。所餘作意、前前後後傳爲其緣。

【2 目 釋所緣】 D4_010

【1 以緣即相】 D05_013

復次云何所緣差別？謂相差別。何等爲相？略有四種。一、所緣相，二、因緣相，三、應遠離相，四、應修習相。

所緣相者：謂所知事分別體相。因緣相者：謂定資糧。應遠離相：復有四種。謂沈相、掉相、亂相、著相。應修習相、當知對治此四種相。何等沈相？謂不守根門、食不知量、初夜後夜不常覺寤勤修觀行、不正知住、是癡行性，耽著睡眠、無巧便慧、惡作俱行欲勤心觀。不曾修習正奢摩他。於奢摩他未爲純善，一向思惟奢摩他相、其心昏闇，於勝境界不樂攀緣。何等掉相？謂不守根門等四、如前廣說、是貪行性，樂不寂靜、無厭離心、無巧便慧、太舉俱行如前欲等。不曾修舉，於舉未善，唯一向修由於種種順隨掉法親里尋等、動亂其心。何等亂相？謂不守根門等四、如前應知、是鈍根性，多求、多務、多諸事業、尋思行性，無巧便慧、無厭離心。不修遠離，於勝境界、不樂攀緣，親近慣鬧方便間缺、不審了知亂不亂相。何等著相？謂不守根門等四、如前應知、是鈍根性，是愛行性，多煩惱性，不如理思、不見過患、又於增上無出離見。對治如是應遠離相，隨其所應當知即是應修習相。

【2 別明相】 D05_014

【1 明四相三十二相】 D06_022

復有三十二相。謂自心相、外相、所依相、所行相、作意相、心起相、安住相、自相相、共相相、麤相、靜相、領納相、分別相、俱行相、染污相、不染污相、正方便相、邪方便相、光明相、觀察相、賢善定相、止相、舉相、觀相、捨相、入定相、住定相、出定相、增相、減相、方便相、引發相。云何自心相？謂有苾芻、先爲煩惱染污心故；便於自心極善取相、如是如是心有染污，或無染污；由此方便心處沈等，由此方便不處沈等。言沈等者：謂沈等四、乃至令心礙著之相；或復於彼被染污心。云何外相？謂即於彼被染污心、了知自心被染污已，便取外相。謂光明相、或淨妙相、或復餘相。爲欲除遣諸煩惱故；或令彼惑不現行故。云何所依相？謂分別體相。即是一切自身所攝五蘊、并種子相。云何所行相？謂所思惟彼彼境界色乃至法、分別體相。云何作意相？謂有能生作意故，於彼彼境界所生識生，作是思惟：今我此心、由作意故、於境界轉、非無作意。此所思惟、名作意相。云何心起相？謂即次前所說、是一相。第二相者、謂心緣行緣名色相。此所思惟、名心起相。云何安住相？謂四識住。即識隨色住等。如經廣說。此所思惟、名安住相。云何自相相？謂自類自相、或各別自相；此所思惟、名自相相。云何共相相？謂諸行共相、或有漏共相、或一切法共相；

此所思惟、名共相相。云何羸相？謂所觀下地一切羸相。云何靜相？謂所行上地一切靜相。云何領納相？謂隨憶念過去曾經諸行之相。云何分別相？謂思未來諸行之相。云何俱行相？謂分別現在諸行之相。云何染污相？謂於有貪心、思惟有貪心相；乃至於不善解脫心、思惟不善解脫心相。云何不染污相？謂與此相違，當知即是不染污相。此中已出離於斷不修方便者、觀有貪等；修方便者、觀略下等。有貪心者：謂貪相應心，或復隨逐彼品羸重。如是由纏及隨眠故一切染污心、如應當知以能對治纏及隨眠故，成不染污。云何正方便相？謂所思惟白淨品因緣相相。云何邪方便相？謂所思惟染污品因緣相相。既是思惟如是如是不守根門住故、乃至不正知住故；如是如是心被染相。云何光明相？謂如有一、於暗對治或法光明、慇懃懇到善取其相、極善思惟。如於下方、於上亦爾。如是一切治暗相故、建立此相。云何觀察相？謂有苾芻、慇懃懇到善取其相、而觀察之。住觀於坐者：謂以現在能取、觀未來所取法。坐觀於臥者：謂以現在能取、觀過去所取。或法在後行觀察前行者：謂以後後能取、觀前前能取法。此則略顯二種所取能取法觀。云何賢善定相？謂所思惟青瘀等相。為欲對治欲貪等故。何故此相說名賢善？諸煩惱中貪最為勝；於諸貪中、欲貪為勝。生諸苦故。此相是彼對治所緣、故名賢善。云何止相？謂所思惟。無分別影像之相。云何舉相？謂策心所取隨一淨妙或光明相相。云何觀相？謂聞思修慧所思惟諸法相。云何捨相？謂已得平等心、於諸善品增上捨相。云何入定相？謂由因緣所緣應修習相故、入三摩地；或復已得而現在前。云何住定相？謂即於彼諸相善巧而取；由善取故、隨其所欲於定安住。又於此定得不退法。云何出定相？謂分別體所不攝、不定地相。云何增相？謂輕安定倍增廣大所思惟相。云何減相？謂輕安定退減狹小所思惟相。云何方便相？謂二道相。或趣倍增廣大、或趣退減狹小故。云何引發相？謂能引發略諸廣博文句義道、若無諍無礙妙願智等、若依三摩地諸餘力無畏等最勝功德、及能通達甚深句義微妙智慧、如是等相。

【2 明本末相攝】 D06_023

復次如是諸相、即前根本四相所攝、謂所緣相、具攝一切。因緣相、亦爾。前與後為因緣故。為令後後得明淨故。正方便相一切種別、皆因緣相。如正方便，邪方便亦爾。一、是白品相，第二、黑品相。諸染污相、唯應遠離；所餘諸相、唯應修習。於彼彼時、應修習故。

瑜伽師地論卷第十二

彌勒菩薩說三藏法師玄奘奉 詔譯

本地分中三摩呬多地第六之二

【3 目 通辨】D4_011

【1 修作意所由】D05_015

復次云何修習所緣諸相作意？謂即於彼彼諸相、作意思惟。以思惟故、能作四事。謂即修習如是作意；又能遠彼所治煩惱；又能練此作意及餘、令後所生轉更明盛；又即修習此作意時、厭壞所緣，捨諸煩惱，任持斷滅，令諸煩惱遠離相續。是故修習如是所緣諸相作意。

【2 四緣入等至】D05_016

復次由四因緣、入初靜慮乃至有頂。謂因力、方便力、說力、教授力。云何因力？謂曾鄰近入靜慮等。云何方便力？謂雖不鄰近入靜慮等；然由數習無間修力、能入諸定。云何說力？謂於靜慮等增上緣法、多聞任持，乃至廣說；即依此法、獨處空閑、離諸放逸、勇猛精進自策勵、住法隨法行，由此能入靜慮等定。云何教授力？謂於親教軌範師所、成於隨一餘尊長所、獲得隨順初靜慮等無倒教授；從此審諦作意思惟，能入靜慮及諸餘定。如是顯示四觀行者。謂具因力者、方便力者、若利根者、及鈍根者。

【3 四得靜慮】D05_017

復次有四得靜慮者。一、愛上靜慮者，二、見上靜慮者，三、慢上靜慮者，四、疑上靜慮者。云何愛上靜慮者？謂如有一、先聞靜慮諸定功德、而不聞彼出離方便，於彼一向見勝功德、勇猛精勤；由此因緣、入初靜慮或所餘定。如是入已、後生愛味。云何見上靜慮者？謂如有一、從自師所或餘師所、聞諸世間皆是常等、如是方便入初靜慮乃至有頂、能得清淨解脫出離，彼依此見、勇猛精勤；由是因緣、入初靜慮或所餘定。如是入已、能自憶念過去多劫、遂生是見：我及世間、皆是常等。從定起已、即於此見堅執不捨；復於後時審思、審慮、審諦觀察。謂由此故當得清淨解脫出離。云何慢上靜慮者？謂如有一、聞如是名諸長老等入初靜慮乃至有頂、聞是事已，遂生憍慢；彼既能入靜慮等定；我復何緣而不當入。依止此慢、勇猛精勤；由是因緣、入初靜慮及所餘定。如是入已、後生憍慢。或入定已、作是思惟；唯我能得如是靜慮、

餘不能得。彼依此慢。復於後時。於諸靜慮。審思審慮。審諦觀察。云何疑上靜慮者：謂如有一、爲性暗鈍、本嘗樂習奢摩他行；由此因緣、入諸靜慮或所餘定。如是入已、復於上定勤修方便、爲得未得、於四聖諦勤修現觀；性暗鈍故、不能速證聖諦現觀。由此因緣、於餘所證便生疑惑。依此疑惑、復於勝進、審思審慮審諦觀察。

【4 味淨定等差別】 D05_018

復次云何愛味相應靜慮等定？謂有鈍根、或貪行故、或煩惱多故、彼唯得聞初靜慮等所有功德，廣說如前愛上靜慮於上出離不了知故，便生愛味、戀著堅住。其所愛味、當言已出；其能愛味、當言正入。云何清淨靜慮等定？謂有中根、或利根性、等煩惱行、或薄塵行、彼從他聞初靜慮等愛味過患、及上出離；勇猛精進、入初靜慮或所餘定。如是入已、便能思惟諸定過患；於上出離、亦能了知，不生愛味。云何無漏靜慮等定？謂如有一是隨信行、或隨法行、薄塵行類。彼或先時於四聖諦已入現觀，或復正修現觀方便，彼先所由諸行狀相入初靜慮或所餘定、今於此行此狀此相、不復思惟。然於諸色乃至識法、思惟如病如癰等行、於有爲法心生厭惡怖畏制伏，於甘露界繫念思惟，如是方能入無漏定。

【5 四分定異】 D05_019

復次云何順退分定？謂有鈍根下劣欲解、勤精進故，入初靜慮、或所餘定；於喜於樂、於勝功德、不堪忍故，從靜慮退。如如暫入諸定差別，如是如是還復退失；乃至未善調練諸根。云何順住分定？謂有中根、或利根性、彼唯得聞諸定功德，廣說如前愛味相應；於所得定唯生愛味、不能上進，亦不退下。云何順勝分定？謂有亦聞出離方便、於所得定不生喜足；是故於彼不生愛味，更求勝位。由此因緣、便得勝進。云何順決擇分定？謂於一切薩迦耶中、深見過患；由此因緣、能入無漏。又諸無漏、名決擇分。極究竟故。猶如世間珠瓶等物、已善簡者、名爲決擇。自此已後、無可擇故。此亦如是。過此更無可簡擇故；名決擇分。

【6 次第與超越入出】 D05_020

復次云何無間入諸等至？謂如有一、得初靜慮乃至有頂、然未圓滿清淨鮮白；先順次入乃至有頂，後逆次入至初靜慮。

復次云何超越入諸等至？謂即於此已得圓滿清白故；從初靜慮無間、超入第三靜慮，第三無間、超入空無邊處，空處無間、超入無所有處。乃至廣說逆超、亦爾。以極遠故、無有能超第三等至。唯除如來、及出第二阿僧企耶諸大菩薩。彼隨所欲、入諸定故。

【7 薰修差別】 D05_021

【1 明二義雜修】 D06_024

復次云何薰修靜慮？謂如有一、已得有漏及與無漏四種靜慮、爲於等至得自在故，爲受等至自在果故，長時相續入諸靜慮。有漏無漏更相間雜。乃至有漏無間、無漏現前，無漏無間、還入有漏；當知齊此薰修成就。若於是處是時是事、欲入諸定；即於此處此時此事、能入諸定。是名於諸等至獲得自在。

等至自在果者：謂於現法樂住、轉更明淨；又由此故、得不退道；又淨修治解脫勝處及遍處等勝品功德能引之道。若有餘取而命終者；由此因緣、便入淨居。由軟中上品、修諸靜慮有差別故；於一切處受三地果。如前有尋有伺地、已廣分別。修習無尋唯伺三摩地故；得爲大梵。由軟中上上勝上極品、薰修力故；生五淨居。

【2 明修生差別】 D06_025

【1 因生】 D07_015

當知因修清淨靜慮定故、生靜慮地；不由習近愛味相應。既生彼已，若起愛味、即便退沒。

【2 染退善進】 D07_016

若修清淨、還生於彼。或生下定、或進上定、先於此間修得定已，後往彼生。

【3 修因處】 D07_017

何以故？非未離欲得生彼故；非諸異生未修得定能離欲故。又非此間及在彼處入諸等至樂有差別。唯所依身而有差別。

【4 辨差別】 D07_018

復次已說修習作意相差別。

【4-5 節 釋諸經攝宗要及最後雜眾義】 D02_004

【1 項 釋諸經之攝宗要】 D03_007

【1 目 初標】 D4_012

云何攝諸經宗要？謂八解脫等。如經廣說。

【2 目 別釋】D4_013

【1 釋解脫】D05_022

【1 八解脫(論記有科:1 標數釋名與 2 辨其行相)】D06_026

八解脫者：謂如前說有色觀諸色等。前七解脫。於已解脫生勝解故，名為解脫；第八解脫、棄背想受，故名解脫。

云何有色觀諸色？謂生欲界、已離欲界欲、未離色界欲；彼於如是所解脫中、已得解脫；即於欲界諸色、以有光明相作意思惟、而生勝解。由二因緣、名為有色。謂生欲界故；得色界定故。又於有光明而作勝解故。

問：觀諸色者：觀何等色？復以何行？

答：欲界諸色。於諸勝處所制少色、若好、若惡、若劣、若勝；如是於多、乃至廣說。

何故修習如是觀行？為淨修治能引最勝功德方便。何等名為最勝功德？謂勝處、遍處、諸聖神通、無諍、願智、無礙解等。雖先於彼欲界諸色、已得離欲；然於彼色未能證得勝解自在為證得故數數於彼思惟勝解。

云何內無色想、觀外諸色？謂生欲界、已離色界欲、無色界定不現在前，又不思惟彼想明相；但於外色而作勝解。若於是色已得離欲；說彼為外。由二因緣、名內無色想。謂已證得無色等至、亦自了知得此定故；不思惟內光明相故。餘如前說。

云何淨解脫身作證具足住？謂如有一已得捨念圓滿清白、以此為依、修習清淨聖行圓滿；名淨解脫。何以故？三因緣故。謂已超過諸苦樂故；一切動亂已寂靜故；善磨瑩故。身作證者：於此住中、一切賢聖多所住故。

云何空無邊處解脫？謂如有一、於彼空處已得離欲，即於虛空思惟勝解。如是識無邊處解脫、於彼識處已得離欲，即於是識思惟勝解。

無所有處解脫者：謂已得無所有處、於識無邊處思惟勝解。有頂解脫、更不於餘而作勝解；乃至遍於想可生處、即於是處應作勝解。

【2 八勝處】D06_027

【1 釋名】D07_019

復次先已修治作意勝解、後方能起勝知勝見；故名勝處。此勝當知復有五種。一、形奪卑下、故名為勝。謂如有一、以己勝上工巧等事、形奪他人置下劣位。二、制伏羸劣、故名為勝。謂如有一、以己強力摧諸劣者。三、能隱蔽他、故名為勝。謂瓶盆等、能有覆障；或諸藥草咒術神通、有所隱蔽。四、厭壞所緣、故名為勝。謂厭壞境界、捨諸煩惱。五、自在迴轉、故名為勝。謂世君王、隨所欲為處分臣僕。

【2 出體】D07_020

於此義中、意顯隱蔽及自在勝。前解脫中、勝解自在；今於勝處、制伏自在。觀色少者：謂諸有情資具等色。觀色多者：謂諸宮殿房舍等色。言好色者：謂美妙顯色。一向淨妙故。與此相違，名為惡色。言劣色者：謂聲香味觸、不可意色。與此相違，當知勝色。此四顯色、有情資具宮殿等攝。言勝知者：謂數數隱蔽所緣勝解。有如是想者：謂有制伏想也。

【3 十遍處】D06_028

【1 釋名】D07_021

復次由諸遍處、於勝解事生遍勝解；故名遍處。

【2 出體性】D07_022

言無二者：謂諸賢聖、無我我所二差別故。言無量者：遍一切故。

【3 廢立】D07_023

何故遍處、唯就色觸二處建立？由此二種共自他身、遍有色界、常相續故。眼等根色、唯屬自身；香味二塵、不遍一切；聲聲有間；是故不說如是有色諸遍處。

【4 所緣境】D07_024

定色界後邊、於無色中空遍一切；故立遍處。識所行境、遍一切故；亦立遍處。

【4 總料簡】D06_029

【1 釋解脫勝處遍處次第】D07_025

復次修觀行者、先於所緣思惟勝解；次能制伏；既於制伏得自在已，後即於此遍一切處、如其所欲而作勝解；是故此三如是次第。

【2 解遍處作用】D07_026

八色遍處善清淨故；能引賢聖勝解神通、及於諸事轉變神通。如其勝解、隨所轉變、皆能成就；又能變作金銀等物、堪有所用。由識遍處善清淨故；便能引發無諍願智無礙解等諸勝功德。由空遍處善清淨故；隨其所欲皆轉成空。

【3 以喻顯三法次第】D07_027

譬如世間凡鐵金師、初和泥等、未善調練，解脫位亦爾。如善調練，勝處位、亦

爾。如調練已、隨欲轉變，遍處位亦爾。

【2 釋等持】D05_023

【1 三三摩地】D06_030

【1 別明三摩地行境別相】D07_028

【1 空三摩地】D08_014

【1 釋名】D09_010

復次三三摩地者：云何空三摩地？謂於遠離有情命者及養育者數取趣等。心住一緣。

【2 釋空性差別】D09_011

當知空性略有四種。一、觀察空。謂觀察諸法、空無常樂，乃至空無我我所等。二、彼果空。謂不動心解脫、空無貪等一切煩惱。三者、內空。謂於自身、空無計我我所及我慢等一切僻執。四者、外空。謂於五欲、空無欲愛。如說我已超過一切有色想故；於外空身作證具足住。乃至廣說。此中緣妙欲想、名為色想；此想所起貪欲斷故、說為外空。又修行者、由彼果空、或時作意思惟外空；或時作意思惟內空。由觀察空、或時思惟內外空性；由此力故、心俱證會。設復於此內外空性不證會者：便應作意思惟無動。言無動者：謂無常想、或復苦想。如是思惟、便不為彼我慢等動。由彼不為計我我慢、乃至廣說動其心故；便於二空心俱證會。

【2 無願三摩地】D08_015

云何無願心三摩地？謂於五取蘊、思惟無常或思惟苦、心住一緣。

【3 無相心三摩地】D08_016

【1 釋行相】D09_012

云何無相心三摩地？謂即於彼諸取蘊滅、思惟寂靜、心住一緣。

【2 釋彼經】D09_013

【1 釋不低不昂】D10_001

如經言：無相心三摩地、不低不昂；乃至廣說。云何名為不低不昂？違順二相、不相應故。又二因緣、入無相定。一、不思惟一切相故；二、正思惟無相界故。由不

思惟一切相故、於彼諸相不厭不壞；惟不加行作意思惟、故名不低。於無相界正思惟故；於彼無相不堅執著，故名不昂。

【2 釋方便方便果】D10_002

此三摩地、略有二種。一者、方便，二、方便果。言方便者：數數策勵思擇安立、於彼諸相未能解脫。由隨相識、於時時中擾亂心故。彼復數數自策自勵思擇安立、方能取果解脫隨相。於此解脫、又解脫故，不自策勵思擇而住；是故名爲極善解脫。若數策勵思擇安立方得住者；雖名解脫、非善解脫。

【3 釋曉了曉了功德】D10_003

又曉了果曉了功德者：謂煩惱斷究竟故；現法樂住究竟故。又復滅道俱應曉了；即此二種、隨其次第。名曉了果曉了功德。又諦現觀、阿羅漢果、俱應曉了。於見道位中、名曉了果；於阿羅漢果、名曉了功德。

【2 明三摩地行別境同相】D07_029

若於此處無有彼物；由此道理觀之爲空、故名空性。即所觀空、無可希願、故名無願。觀此遠離一切行相、故名無相。

【3 先後次第妨難】D07_030

何故此中先說空性；餘處宣說無常故苦，苦故無我，後方說空？

謂若無無我；無常苦觀、終不清淨。要先安住無我之想、從此無間方得無願。

是故經言：諸無常想、依無我想而得安住，乃至廣說。彼於無常觀無我已、不生希願；唯願無相、專求出離。故此無間、宣說無相。

【2 有尋有伺三摩地】D06_030

復次云何有尋有伺三摩地？謂三摩地、尋伺相應。云何無尋唯伺三摩地？謂三摩地、唯伺相應；大梵修已、爲大梵王。

云何無尋無伺三摩地？謂三摩地、尋伺二種俱不相應；修習此故，生次上地、乃至有頂。唯除無漏諸二摩地。

云何無尋無伺三摩地相？謂於尋伺心生棄捨，唯由一味、於內所緣而作勝解；又唯一味平等顯現。

【3 小大無量三摩地】D06_031

【1 略辨小大無量義】D07_031

復次云何小三摩地？謂或由所緣故小。觀少色故。或由作意故小。小信、小欲、小勝解故。云何大三摩地？謂或由所緣故大。觀多色故；而非無邊無際觀諸色故。或由作意故大。上信、上欲、上勝解故；而非無邊無際信欲勝解故。云何無量三摩地？謂或由所緣故無量。無邊無際觀諸色故。或由作意故。無量無邊無際信欲勝解故。此中大心三摩地者：謂於一樹下、想諸天光而生勝解，乃至廣說。無量三摩地者：謂四無量。云何於一樹下想諸天光而生勝解？謂於欲界極厭壞已、得初靜慮；為令此定善清淨故、更修方便。又聞諸天身帶光明、便思惟彼身光明相，遍一樹下、乃至大地大海邊際、發生勝解。

【2 釋經文】D07_032

由三摩地後轉增有差別故；令所生起而有差別。云何作意得成唯二？謂隨勝解分齊、施設作意故。云何作意唯二為緣、修成唯二？謂即由此作意力故、施設所修定有差別。圓滿清淨、轉增勝故。云何以修唯二為緣、行成唯二？謂如如善修定轉增勝，如是如是施設所感生有差別。云何以行唯二為緣、補特伽羅建立唯二？謂此因緣所生有情、施設高下勝劣差別。

問：初二靜慮諸天光明、有何差別？

答：如末尼珠、外有光明，內無光明；初靜慮身、亦復如是。外放光明，內則不爾。譬如明燈、外發光明，內自照了；第二靜慮、身亦如是。若內、若外、俱有光明。是故經說：彼地已上唯一種身。非於下地。

【3 別建立四無量義】D07_033

【1 釋經四無量行相差別】D08_017

復次云何建立四無量定？謂諸有情、有三品故。一者、無苦無樂；二者、有苦；三者、有樂。如其次第、欲與其樂，欲令離苦，欲令其樂永不相離。於彼作意有四種故，如其次第，建立四種。謂由與樂作意故、拔苦作意故、樂不相離隨喜作意故、建立前三；即於此三欲與樂等、為欲令彼不樂思慕不染污作意故，瞋恚不染污作意故，貪欲不染污作意故，建立於捨。

【2 釋無量差別】 D08_018

【1 釋通經】 D09_014

經言以慈俱心、乃至廣說。現前饒益故名慈俱。饒益相故，名慈善友。其饒益相、略有二種。一、欲利益，二、欲安樂。此二種相、一切無量之所顯示。無怨者：離惡意樂故。無敵者：離現乖諍故。無惱害者：離不饒益事故。廣者：所緣廣大故。大者：利益安樂思惟最勝故。無量者：果無量故。如四大河、眾流雜處。善修習者：極純熟故。

設有問言：慈俱等心、有何等相？

故次答言：勝解遍滿、具足而住。

勝解遍滿者：增上意樂勝解周普義。具足者：圓滿清白故。住者：所修觀行、日夜專注，時專注故。

【2 問答辨因釋別經】 D09_015

問：如經言善修習慈、極於遍淨，乃至廣說。此何密意？

答：第三靜慮、於諸樂中其樂最勝；憶念此樂修習慈心、慈最第一，故說修慈極於遍淨。憶念空處修習悲心、亦最第一。

以修悲者樂欲拔苦。無色界中遠離眾苦、斷壞等苦、彼都無故。是故憶念無邊空處修悲等至、作如是念：當令一切有情、到無眾苦及所依處。

修喜定者、亦常憶念無邊識處、慶諸有情所得安樂。作如是念：當令一切有情之類、受無量樂；猶如識處、識無限量。是故憶念識無邊處修習喜定、為最第一。

修捨定者、亦常憶念無所有處、作如是念：無所有處、無漏心地最為後邊、捨最第一；如阿羅漢苾芻一切苦樂不苦不樂現行位中、皆無染污，當令一切有情之類、得如是捨。是故憶念無所有處修習捨定、為最第一。

【3 結成聖行】 D09_016

如是一切、皆是聖行，唯聖能修；故經宣說覺分俱行。

【4 一分修具分修三摩地】 D06_032

【1 別釋二修】 D07_034

復次云何一分修三摩地？謂於此中或唯作意思光明相、或唯作意思惟色相、而入於定；如是二種、隨其次第、或了光明，或睹眾色。云何具分修三摩地？謂俱思惟而入於定、亦了光明亦見眾色。如是修習光明定者、定難差別、有十一種。所謂疑等。

如經廣說。

【2 釋定難】D07_035

問：此誰難耶？

答：三摩地相。相、有二種。謂所緣相、及因緣相。用彼為依、住三摩地；若退彼相、便不能住。此中最初、於所顯現光明色相、不善知故；便覺有疑。方便緩故，有不作意。如於眾色不欲見者、或閉於目，或復背面；此觀行者、於諸色中不欲作意、亦復如是。由不善守根門等故、有身羸重。多習睡眠、或多覺悟、便增昏睡，不見眾色；設有所見而不圓滿。為此二事、極作功用力勵思惟，故有太過勇猛精進。由有太過策勵過故、還極下劣；如急促持斥鷃鳥者。彼唯思求光明之相、此與見色若俱生時、怖一得二、便生踊躍；猶如有人得二伏藏。遍於諸方、欵然並見不祥之色、便生大怖；猶如有人兩邊旋轉卒起。彼於行時或復住時、於世雜類起種種想；如是外想、與定為難。或復因其所修習定、謂己為勝；觀他為劣、便自高舉。如是亦得名種種想。或多言論、或久尋思、令身疲勞心不得定；如是多言、與定為難。若從定生光明之相、及見色時、便捨內修相續作意，願樂於外諦視眾色；故極思察、與定為難。如是諸難、隨其所應、障三摩地所緣境相及因緣相。或有遇此、退失所緣因緣相故；如其次第、二相俱沒。

【5 三受俱三摩地】D06_033

復次云何喜俱行三摩地？謂初二靜慮諸三摩地。云何樂俱行三摩地？謂第三靜慮諸三摩地。云何捨俱行三摩地？謂第四靜慮已上諸三摩地。

【6 四修定】D06_034

復次云何修定為得現法樂住？謂於四種現法樂住方便道中所有修定；及未圓滿清淨鮮白諸根本地所有修定。為顯修習未曾得定、是故世尊說初靜慮前方便道。云何修定為得智見？謂諸苾芻於光明相、慇懃懇到審諦而取，如經廣說。當知此在能發天眼前方便道所有修定。此中天眼、於諸色境能照能觀，說名為見。能知諸天如是名字、如是種類、乃至廣說。如勝天經。是名為智。云何修定生分別慧？謂諦現觀預流果向方便道中所有修定；或為修習諸無礙解。云何修定為盡諸漏？謂阿羅漢果方便道中所有修定。

【7 五聖智三摩地】D06_035

【1 標引經】D07_036

復次云何五聖智三摩地？謂我此三摩地是聖、無染、無執、廣說如經。

【2 陳五智】D07_037

此中示現五行相智。謂自體智、補特伽羅智、清淨智、果智、入出定相智。

【3 別釋經】D07_038

聖者：善故名聖；又無漏故名聖。無染者：顯善聖性。無執者：顯無漏聖性。非凡夫所近者：謂諸佛及聖弟子所親近故。是聰叡所讚者：謂即彼所稱讚故。是諸聰叡同梵行者、常不訶毀者：謂一切時常稱讚故。非如世間初靜慮等、為背下地修方便故，先以靜相而稱讚之；為趣上地修方便故，後以羸相而復呵毀。寂靜者：所治煩惱永寂靜故。微妙者：自地煩惱不愛味故。得安隱道者：所得之道無退轉故。證心一趣者：已得無尋無伺地故。現在安樂者：能得現法樂住故。後樂異熟者：引無餘依涅槃樂故。正念而入者：善取能入三摩地相、無忘失故。正念而出者：善取能出三摩地相、無忘失故。

【8 聖五支三摩地】D06_036

【1 標五支總別引經】D07_039

復次云何聖五支三摩地？謂諸苾芻、即此身內離生喜樂、廣說如經。

【2 別引五支經釋】D07_040

【1 法說】D08_019

離生喜樂者：謂初靜慮地所攝喜樂。所滋潤者：謂喜所潤。遍滋潤者：謂樂所潤。遍充滿者：謂加行究竟作意位。遍適悅者：謂在已前諸作意位。由彼位中、亦有喜樂時時間起；然非久住、亦不圓滿。於此身中無有少分而不充滿者：謂在加行究竟果作意位。

【2 喻說】D08_020

【1 離生喜樂喻說(通喻四靜慮相)】D09_017

譬如黠慧能沐浴人、或彼弟子者：當知喻於修觀行者。銅器、瓦器、或蚌蛤器者：喻為離欲生喜樂故、教授教誡。

【2 五喻說】D09_018

【1 第一喻說】D10_004

細沐浴末者：喻能順彼出離尋等。水澆灌者：當知喻於尋清淨道。沐浴搏者：以喻於身。帶津膩者：喻喜和合。膩所隨者：喻樂和合。遍內外者：喻無間隙喜樂和合。不強者：喻無散動。不弱者：喻無染污亦無愛味。

【2 第二喻說】 D10_005

又於第二喻有差別。山者喻於無尋伺定。尖頂者：喻於第二靜慮無尋無伺、於所緣境一味勝解。泉者：喻於內等淨支。水軸者：謂水傍流出。水索者：謂水上涌出。此二種喻，如其次第、顯示喜樂滋潤等言。如前解釋。無不充滿者：當知喻於無間相應。

【3 第三喻說】 D10_006

又於第三喻有差別。如啞鉢羅等離喜之樂，彼相應法、及所依身、當知亦爾。水喻離喜無尋伺定。喜發踊躍；由無彼故、喻花胎藏沒在水中。

【4 第四喻說】 D10_007

又於第四喻有差別。清淨心者：謂與捨念清淨相應。超過下地諸災患故。鮮白者：謂性是善。自地煩惱無愛味故。何故復以長者為喻？謂彼所作皆審悉故；不放逸故；思惟籌量觀察勝故；於增減門無不知故。證得清淨第四靜慮者、亦復如是。凡有所為、審諦圓滿，無諸放逸，於一切義、無不了知，其性捷利。八經九經以為喻者：由堅緻故、顯蚊虻等不能侵損。首足皆覆者：若有二失容可侵損。謂衣薄故；有露處故、今此顯示二失俱無。此定亦爾。其心清淨鮮白周遍、一切散動所不能侵；堪忍寒暑、乃至他所呵叱惡言、及內身中種種苦受。

【5 第五喻說】 D10_008

又於第五喻有差別。於所觀相懇懃懇到等、當知已如前釋。謂審觀察三世諸行、於能觀察又復觀察、是此中總義。

【3 問答五支定相】 D07_041

何等名為聖三摩地？云何建立五支差別？謂四靜慮中、所有聖賢心一境性；及於安立、審諦觀察。如是名為聖三摩地。依於四種現法樂住、建立四支；依審觀察緣起法故，又為斷除餘結縛故，建立第五。當知此由二因緣故，建立五支。

【9 有因有具聖正三摩地】 D06_037

【1 問】 D07_042

復次云何有因有具聖正三摩地？

【2 別辨相】 D07_0043

【1 解聖】 D08_021

當知善故、及無漏故、說名為聖。有五道支、名此定因。所謂正見、正思惟、正語、正業、正命。具有三種。所謂正見、正精進、正念。

【2 有因有具】 D08_022

【1 列因具名】 D09_019

此中薄伽梵、總說前七道支、與聖正三摩地為因為具。

【2 因具所以】 D09_020

隨其所應、差別當知。謂由前導次第義故、立五為因；於三摩地資助義故、立三為具。

【3 釋因具相】 D09_021

云何正見等前導次第義？謂先了知世間實有真阿羅漢正行正至、便於出離深生樂欲、獲得正見；次復思惟何當出離居家迫迕；乃至廣說。從此出家、受學尸羅，修治淨命、是名正語、正業、正命。此正見等、於所對治邪見等五、猶未能斷；還即依止此五善法、從他聞音、展轉發生聞慧正見。為欲斷除所治法故、又為修習道資糧故、方便觀察。次依聞慧、發生思慧；復依思慧、發生修慧。由此正見、於諸邪見、如實了知此是邪見；於諸正見、如實了知此是正見。乃至正命、如實知已；為欲斷除邪見等故、及為圓滿正見等故、發勤精進。若由此故、能斷所治，集能治法、令其圓滿；是名正念。此念即是三摩地分，故亦兼說正三摩地。

【3 釋正三摩地】 D08_023

若是時中、捨邪見等令不復生，修正見等令得圓滿；即於如是方便道中、亦能棄捨邪精進念，兼能修滿正精進念。若於是時、於彼諸法能斷能滿；即於此時、聖正三摩地亦得圓滿。

【3 先後次第生起所由】 D07_044

此中由慧為導首、於增上戒先自安處；次聞他音、如理作意、及增上戒學、二為依止，於方便道中發生增上心學、及增上慧學。此中正念、名增上心學；正見、正精進、名增上慧學。如是三學、於修聖正三摩地時、皆得圓滿。

【10 金剛喻三摩地】D06_038

復次云何金剛喻三摩地？謂最後邊學三摩地。此三摩地最第一故；最尊勝故極堅牢故；上無煩惱能摧伏故，摧伏一切諸煩惱故，是故此定名金剛喻。譬如金剛其性堅固、諸末尼等不能穿壞，穿壞一切末尼寶等。此定亦爾；故喻金剛。

【3 釋三摩底】D05_024

【1 五現見三摩底】D06_039

【1 引經標】D07_045

復次云何五現見三摩底？謂諸苾芻、即於此身等、廣說如經。

【2 釋現見等至義】D07_046

已見諦者、修此等至；是故名爲現見等至。是諸修道所斷煩惱制伏對治、斷滅對及觀察斷。治、

【3 出總略體性】D07_047

當知此中總略體性。初不淨觀、方便念住以爲依止；爲令欲貪不現行故、觀察內身種種不淨。第二不淨觀、即彼念住以爲依止，乃至觀察骨人之相；爲令彼貪不現行故、觀察此身種種不淨。當知齊此、名具觀察一切不淨。

【4 別釋行相】D07_048

最極通達者：是青瘀等觀品類次第、極逾越義。初不淨觀、觀察內身現前安住種種不淨；後不淨觀、通達法性。觀察此身、有如是法有如是性，乃至廣說。觀識流轉者：觀察此識生滅相續。或觀生身展轉相續。謂羸觀察行緣識等。或觀刹那展轉相續。謂細觀察若有貪心離貪心等品類差別、荏苒過度彼彼日夜刹那臘縛牟呼栗多，於其中間非一眾多種種心識異生異滅。觀察有學未離欲者、俱住二世；已離欲者惟住他世阿羅漢果、俱無所住。如是名爲觀察。

【2 勝處遍處如前已說】D06_040

於斷勝處等至遍處等至。如前已說

【3 無想三摩底】D06_041

復次云何無想三摩底？謂已離遍淨欲、未離上欲、求出離想作意爲先、諸心心法滅。

問：以何方便入此等至？

答：觀想如病如癱如箭、入第四靜慮、修背想作意，於所生起種種想中，厭背而住；唯謂無想、寂靜微妙，於無想中、持心而住。如是漸次離諸所緣、心便寂滅。於此生中、亦入亦起；若生於彼、唯入不起。其想若生；便從彼沒。

【4 滅盡三摩底】 D06_042

復次云何滅盡三摩鉢底？謂已離無所有處欲、暫安住想作意為先、諸心心法滅。

問：以何方便、入此等至？

答：若諸聖者、已離無所有處欲。或依非想非非想處相、而入於定；或依滅盡相而入於定。依非想非非想處相而入定者：謂於此上心、深生厭捨；非想非非想處進趣所緣、皆滅盡故，心便寂滅。依滅盡相而入定者：亦復如是。將欲趣入滅盡定時、有二種法多有所作。謂奢摩他、毘鉢舍那。云何奢摩他？云何毘鉢舍那？云何此二多有所作？謂於此義中八次第定、名奢摩他；所有聖慧、名毘鉢舍那。於此二中隨闕一種、即不能入滅盡等至；要具此二方能趣入、是故此二多有所作。

問：入滅定時、云何次第滅三種行？

答：此有二種。謂行時、住時。若於行時、亦起言說。於初靜慮、有此作用。有語行故。若於住時、從第二靜慮已上次第定力、彼三種行次第而滅。當知出時、由逆次第、次第而起。

問：滅盡定中、諸心心法並皆滅盡；云何說識不離於身？

答：由不變壞諸色根中、有能執持轉識種子阿賴耶識、不滅盡故；後時彼法、從此得生。

問：入滅定時、無有分別、我當入定，我當出定；正在定時、心寂滅故，遠離加行；將出定時、心先滅故，亦無作意；云何能入？云何能出？

答：先於其心善修治故。若有諸行諸狀諸相能入於定、能出於定、於彼修習極多修習；由修習故、任運能入，任運能出。云何出滅定時、觸三種觸？一、不動觸，二、無所有觸，三、無相觸。謂出定時、多由三境而出於定。一、由有境，二、由境境，三、由滅境。由此三境、於出定時、如其次第觸三種觸。緣於有境而出定時、無有我慢擾動其心。謂此為我、而起我慢，或計未來我當有等、乃至廣說。是故說言觸不動觸。緣於境境而出定時、無貪所有，無瞋所有，無癡所有。是故言觸無所有觸。緣於滅境而出定時，於一切相不思惟故；緣無相界。是故說言觸無相觸。

【3 目 通結】 D04_014

如是已說靜慮、解脫、等持、等至。

瑜伽師地論卷第十三

彌勒菩薩說 三藏法師玄奘奉 詔譯

本地分中三摩呬多地第六之三

【2 項 釋雜義經】 D03_008

【1 目 十一復次別引經釋】 D04_015

【1 身心遠離引如實覺】 D05_025

復次如世尊言汝等苾芻、當樂空閑、勤修觀行、內心安住正奢摩他者：謂能遠離臥具貪著、或處空閑、或坐樹下、繫念現前，乃至廣說。名樂空閑。當知此言顯身遠離。若能於內九種住心；如是名為內心安住正奢摩他。當知此言顯心遠離。若樂處空閑；便能引發內心安住正奢摩他。若內心安住正奢摩他；便能引發毘鉢舍那。若於毘鉢舍那善修習已。即能引發於諸法中如實覺了。

【2 善修止觀覺了所知】 D05_026

復次如世尊言汝等苾芻。於三摩地、當勤修習無量、常委、安住正念者：謂先總標於三摩地勤修習已，後以三事別顯修相。無量者：謂四無量。常委者：謂常有所作、及委悉所作、故名常委。安住正念者：顯於四念住。安住其心。何故說此三種修相？謂依二種圓滿故，一者、世間圓滿，二者、出世圓滿。修無量故、便能引發世間圓滿；修正念故、便能引發出世圓滿。常委修故，於此二種、速得通達；由此因緣、處二中說。是故但說三種修相。又無量者：顯奢摩他道。住正念者：顯毘鉢舍那道。常委者：顯此二種速趣證道。又無量者：顯趣福德行。住正念者：顯趣涅槃行。常委者：顯趣二種速圓滿行。先於奢摩他善修習已，後與毘鉢舍那、方得俱行。修此二種三摩地故；如實覺了所知境界。

【3 等持等至善巧】 D05_027

【1 引經標】 D06_043

復次如世尊言，修靜慮者或有等持善巧、非等至善巧。廣說如經唄柁南頌。

【2 兩復次釋經四句】 D06_044

云何等持善巧？謂於空等三三摩地、得善巧故。云何非等至善巧？謂於勝處遍處

滅盡等至、不善巧故。云何等至善巧、非等持善巧？謂於十種遍處等至及無想等至、若入若出俱得善巧；非於三三摩地。云何俱善巧？謂於彼二俱善巧故。云何俱不善巧？謂於彼二俱不善巧故。如是於先所說等持等至中、隨其所應當善建立。

又說等持善巧非等至善巧者：謂於等持名句文身、善知差別；非於能入等至諸行狀相差別。云何等至善巧、非等持善巧？謂如有一、善知能入隨一等至諸行狀相、亦能現入；而不善知此三摩地名句文身差別之相，亦不能知我已得入如是如是等持差別、有諸菩薩、雖能得入若百若干諸三摩地，而不了知彼三摩地名句文身，亦不能知我已得入如是如是等持差別。乃至未從諸佛所聞、及於已得第一究竟諸菩薩所而得聽聞；或自證得第一究竟。

【3 別釋十四句經】D06_045

云何爲住？謂善取能入諸三摩地諸行狀相、善取彼故，隨其所欲，能住於定；於三摩地、無復退失。如是若住於定、若不退失、二俱名住。云何爲出？謂如有一、於能入定諸行狀相不復思惟、於不定地分別體相所攝定地不同類法作意思惟、出三摩地；或隨所作因故、或定所作因故、或期所作因故、而出於定。隨所作者：謂修治衣鉢等諸所作業。定所作者：謂飲食便利、承事師長等、諸所作業。期所作者：謂如有一、先立期契或許爲他當有所作；或復爲欲轉入餘定；由此因緣、出三摩地。何等爲行？謂如所緣作種種行、而入於定。謂羸行、靜行、病行、癱行、箭行、無常行等、若於彼彼三摩地中所有諸行。何等爲狀？謂於諸定臨欲入時、便有此定相狀先起。由此狀故、彼自了知；我於如是如是相定、不久當入，或復正入；彼教授師由此狀故、亦了知彼不久當入如是如是相定。何等爲相？謂二種相。一、所緣相，二、因緣相。所緣相者：謂分別體。由緣此故、能入諸定。因緣相者：謂定資糧。由此因緣、能入諸定、謂隨順定教誡教授、積集諸定所行資糧、修俱行欲厭患有心。於亂不亂審諦了知、及不爲他之所逼惱；或人所作、或非人所作、或音聲所作、或功用所作。云何調善？謂若三摩地、猶爲有行之所拘執、如水被持；或爲法性之所拘執，不靜不妙，非安隱道，亦非證得心一趣性；此三摩地、不名調善、不隨所樂安隱而住。與此相違、名爲調善。云何猶爲有行拘執？謂由誓願俱行思故、制伏外緣，持心於定。又於作意、要由功用方能運轉、不令內心於外流散；故作是說、如水被持。云何法性之所拘執？謂觀下地、爲羸法性；觀於上地、爲靜法性。寂靜微妙、得安隱道、及能證得心一趣性、如五聖智三摩地中，已略解釋。云何所行？謂三摩地所行境界。由所得定、過此已上不能知故。如初靜慮、不能觀見第二靜慮。如是根度、數取趣度、亦不能知。云何引發？謂能略攝廣文句義，及能成辦諸勝功德。云何等愛？謂慚、愧、愛、敬、信、正思惟、正念、正知、根護、戒護、及無悔等、樂爲最後。由隨樂故、心便得定。與此相違，名不等愛，云何等愛亦不等愛？謂如有一於慚愧等、少分成就，少不成就。謂具慚愧

而無愛敬、乃至廣說。云何為增？謂所得定、轉復增長。云何為減？謂所得定，還復退失。云何方便？謂趣彼二道。又止舉捨、當知如前止等相中已具分別。

【4 分別靜慮經】 D05_028

【1 引經標】 D06_046

復次如分別靜慮經言：有靜慮者、即於興等謂之為衰。乃至廣說。

【2 略釋四轉】 D06_047

此中四轉、當知二時顛倒。謂於三摩地若退墮時、若勝進時、趣退及退、俱名為衰；趣勝進道、及與勝進、俱名為興。

【3 廣釋相】 D06_048

云何應知於三摩地進時顛倒？。彼謂我今退失離生喜樂，我今退失勝三摩地。謂靜慮者勤修習故、心趣寂靜隨捨行故，從初靜慮入於第二靜慮近分；然於此事不善了知。於此位中、初靜慮地喜樂已過。第二靜慮地中所有喜樂、猶未能得；便作是念：於今退失離生喜樂。遂還從彼退攝其心。當知如是修靜慮者其心顛倒。

云何應知於三摩地退時顛倒？謂如有一得初靜慮、為涅槃故、積集資糧，彼於涅槃、已得所修資糧圓滿；由此因緣，或由功用、或復任運、起如是想作意現前。由如是想作意故，於諸色中乃至識中、了知如病乃至無我。由如是想作意故；從此無間、因世間定所生喜樂不復現行；便作是念：我今退失定生利益、及所依止。遂還從彼退攝其心。如是當知修靜慮者、於三摩地退失顛倒。

云何當知於三摩地退失無倒？謂如有一得初靜慮、便生喜足，不求上進、唯起愛味；由起如是欲俱行想作意故，遂便退失近欲界定，彼於此衰、能了是衰；由此因緣、當知無倒。又由所得靜慮定故、自譽毀他：謂我所得此靜慮定、非餘能得。由起如此欲俱行想作意故、所有蓋纏轉增轉厚，便從定退。彼於此衰。能了是衰。又以所得靜慮諸定、顯示於他，為諸國王及王臣等，當供養我；從定起已、尋思此事。由如是欲俱行想作意故、所有蓋纏轉增轉厚，餘如前說。

【4 結成】 D06_049

如是當知修靜慮者、於三摩地、退失無倒。第二無倒、翻初無倒、應知其相。此二無倒、亦於二時應知其相。由依如是倒無倒處、安立四轉。

【5 分別四檢行定經】 D05_029

【1 引經標】 D06_050

復次如分別四檢行定經中、由四種相、檢行一切三摩地等；謂此等持、是順退分。乃至此是順決擇分。

【2 略顯檢行相】 D06_051

云何檢行？謂此是劣分、此是勝分、此殊勝分、此最勝分、如其次第。

【3 廣顯示】 D06_052

此復云何？謂修定者、從初靜慮還退出已、於諸靜慮不復樂入，亦不思惟此行狀相。然欲俱行諸想作意、數數現前，如先所說、從彼起已隨念愛味。當於爾時修靜慮者、應自檢行我三摩地今成退劣。又修定者從初靜慮還退出已、得聞隨順此定教法。謂初靜慮諸行狀相。慇懃懇到善取其相、令所得定堅住不忘。如是隨念順定法故、成順住分。當於爾時、應自檢行我三摩地、已成其勝；我三摩地、已得安住；非退非進、非趣決擇。又靜慮者從初靜慮還退出已、得聞隨順第二靜慮教授之法；既得聞已，第二靜慮道俱行諸想作意、數數現前。當於爾時、應自檢行我三摩地、已成殊勝；非退、非住、唯是勝進，非趣決擇。又修定者從初靜慮還退出已、聞苦諦等相相應教法；既得聞已，苦諦等俱行諸想作意、順決擇分數數現前。彼於爾時、當自檢行我三摩地、已成最勝；非退、非住、亦非勝進，然趣決擇。

【6 於六境不受想無想經】 D05_030

復次如經言：有眼、有色、乃至有意、有法；而諸苾芻、於此諸法若實若有、都不領受。尚不受想；何況無想。此復云何？謂諸苾芻。於初靜慮具足安住、由此因緣，厭壞眼色、乃至意法。由厭壞故威勢映奪、遂於眼中無有眼想，然有其想；乃至於法無有法想，然有其想。云何有想？謂於眼等、作意思惟是苦是集，或是病等；彼於諸法不受自相。如是乃至無所有處。此中正說無漏作意。云何名為不受無想？謂不思惟一切相故；於盡滅中思惟寂靜。此中意說離諸相想、名為無想。又說安住滅盡定者、一切諸想皆不生起。

【7 四種趣道經】 D05_031

復次如經中說四種趣道、云何宴坐、於諸法中思惟簡擇？謂有苾芻先已證得初靜慮等、而未見諦，由聽正法及多聞故，而能宴坐、依三摩地、於苦等諦發起現觀。如是行者、依增上心、修增上慧。又有苾芻如實知苦乃至知道、而未證得初靜慮等；彼

便宴坐、思惟諸法。如是行者、依增上慧、修增上心。第三行者、名為俱得。奢摩他、毘鉢舍那、雙雜轉故。第四行者、先已證得初靜慮等、未聽正法，未習多聞；後從大師或餘尊所、聞見諦法，或復得聞斷餘結法；由此得入真諦現觀，或復證得阿羅漢果。彼既證得出離所引大善喜悅；由能制伏諸掉舉心、復還宴坐。如是坐已、安心住於靜慮等至。最初趣道、引見道故；第二、第三、引修道故；第四趣道、為俱引故。

【8 四淨勝經】 D05_032

【1 標淨勝經】 D06_053

復次如經中說有四淨勝。為求清淨、此最為勝；故名淨勝。

【2 釋淨勝義】 D06_054

云何為淨？云何為勝？謂所得所證所引戒等、若圓滿、若攝受、是名為淨。發勤精進、未滿令滿；是名為勝。

【3 釋淨勝相】 D06_055

云何尸羅圓滿攝受？謂若有一雖住具戒、亦能守護別解脫律儀；而於軌則及所行中、未能具足，未於小罪深見怖畏，此於尸羅、未名圓滿。若於一切皆悉滿足；乃名圓滿。如是名為尸羅圓滿。若於長時串修習故、便於根門善守而住；廣說乃至即於尸羅、攝成自體，自性安住、如是名為尸羅攝受。云何三摩地圓滿？謂若已得加行究竟果、或第四靜慮、乃名圓滿；於此下位、皆未圓滿。云何三摩地攝受？謂彼所得三摩地等、後時清淨；又三摩地不為有行之所拘執、乃至廣說。云何見圓滿？謂聞他音、及如理作意故，正見得生。由此正見、雖能知苦乃至知道；若未如實、猶不得名正見圓滿。若能於彼如實了知；爾時方名正見圓滿。云何見攝受？謂於後時諸漏永盡、乃至廣說。云何解脫圓滿？謂若由有學智見解脫貪等、未名圓滿；若由無學智見得解脫者、乃名圓滿。云何解脫攝受？謂若行若住、常不退失現法樂住。如是名為解脫攝受。

【9 心清淨行苾芻思惟五相經】 D05_033

復次如經言：心清淨行苾芻、於時時間、應正作意思惟五相。乃至廣說。方便勤修增上心者、乃得名為心清淨行。諸惡不善欲等尋思、及親里等所有尋思、皆於此行能為障礙。略有三種補特伽羅。由軟中上尋思行者、有差別故。初由正思惟所餘相故，令彼尋思不復現行。第二由見尋思深過患故，或復不念不思惟故，令彼尋思不復現行。云何不念及不思惟？由善於內安心等故。第三補特伽羅、非初即能令彼一切皆不現行；要當方便令尋思行漸漸歇薄，麤既息已、漸當制伏。若猶未能於尋思路尋思所緣、深生厭怖；當以厭患俱行之心多思惟力、於彼尋思俱行之心、調練制伏。如是三種補特

伽羅、分爲五種。

【10 盪塵經】 D05_034

【1 引經問】 D06_056

復次盪塵經中、佛世尊言：當如陶鍊生金之法、陶鍊其心。乃至廣說。

【2 釋三陶鍊喻】 D06_057

如是等義、云何應知？謂陶鍊生金、略有三種。一、除垢陶鍊，二、攝受陶鍊，三、調柔陶鍊。除垢陶鍊者：謂從金性中、漸漸除去羶中細垢，乃至惟有淨金沙在。攝受陶鍊者：謂即於彼鄭重銷煮。調柔陶鍊者：謂銷煮已、更細鍊治瑕隙等穢。如金性內所有生金，種性位中心淨行者、當知亦爾。謂堪能證般涅槃者。

【3 舉法合】 D06_058

問：從何位名心淨行者？

答：從得淨信求出家位。此於在家及出家位、有羶中細三種垢穢。其在家者、由二爲障、不令出家。一、不善業。謂常樂安處身語惡行。二、邪惡見。謂撥無世間真阿羅漢正行正至。此於已得淨信位前、能爲障礙。欲等尋思、障出家者令其不能心生喜樂；親等尋思、障喜樂者令其不能恒修善法。由斷彼故，恒修善法、速得圓滿純淨之心。有尋有伺、如淨金沙，是名爲心除垢陶鍊。猶如生金、仍未銷煮。若有復能止息尋思、乃至具足安住第四靜慮；是名爲心攝受陶鍊。由能攝受無尋無伺三摩地故、猶如生金已被銷煮。若三摩地不爲有行之所拘執、乃至廣說；是名爲心調柔陶鍊。於神通法、隨其所欲能轉變故；如彼生金、已細鍊治瑕隙等穢。

【11 於三相思惟經】 D05_035

復次如經言：應於三相作意思惟。乃至廣說。應時時間作意思惟奢摩他等差別之相、不應一向。爲欲對治沈掉等故。若於止舉未串習者；惟一向修、是沈掉相。如此修者、當知住在方便道位。若時時間思惟捨相；如是在於成滿道位。亦由於此一向修故，於緣起法及聖諦中、不思擇故，心不正定、不盡諸漏。於諸諦中若未現觀、不能現觀；或已現觀。不得漏盡。初之二種、是三摩地能成辦道；第三一種、依三摩地盡諸漏道。是名略顯此中要義。於時時間作意思惟、遍一切故。

【2 目 以四法攝持聖教】D04_016

【1 標】D05_036

復次有四正法、攝持聖教。

【2 別】D05_037

何等爲四？一者、遠離，二者、修習，三者、修果，四者、於聖教中無有乖諍。

【3 釋】D05_038

遠離者：謂山林、樹下、空閑、靜室。修習者：謂住於彼、勤修二法。謂奢摩他、毘鉢舍那。

云何已習奢摩他、依毘鉢舍那而得解脫？謂如有一、先已得初靜慮乃至第四靜慮。彼即依此三摩地故，如實知苦、乃至知道；彼即依此毘鉢舍那、於見所斷諸煩惱中、心得解脫。

云何已習毘鉢舍那、依奢摩他心得解脫？謂如有一、如實知苦乃至知道、彼依如是增上慧故，發生靜慮；即由如是奢摩他故、於修所斷諸煩惱中、心得解脫。如是修習奢摩他毘鉢舍那已；於諸界中而得解脫。見道所斷諸行斷故、名爲斷界；修道所斷諸行斷故、名離欲界；一切有執皆永滅故、名爲滅界；是名修果。

於聖教中無乖諍者：所謂大師及諸弟子若義若句若文、於文句義平等潤洽、互相隨順；非如異道施設見解、種種非一、差別不同。第一句者、所謂前句。若以此句、問於初一；即以此句、而問第二。設於初一依蘊而問、復於第二依餘問者；便不得名與第一句平等潤洽、互相隨順。